

ելն է՝ դուրսն է վազել նախ վասն աղքատաց և զըրան երկու կողմն մարմարէ երկու սեան գլուխքն այրել է, զոր տեսեալ բազմաց՝ փառս տալին Աստուծոյ. եւ մինչեւ ցայսօր երեւի տեղին բռնըված հրագոյն, զոր ծանուցին խօնթքարին և նա հիացեալ հըրաման եւ պէրաթ զրկեց յերուսաղէմ նալաթլամայով, որ աղքատք թէ չունենան և երզվեն թէ չունին՝ թողցին զնոսա ի ներս, զի մի զրկեցին ի լուսոյն, զոր և մեք տեսաք զայն սիւնսն աչօք մերովք այրեալ և սեացեալ, և զայն էմրն քանդեալ ի վերայ քարեայ տախտակի Յարութեան դուռն ի հրաշափառաց լուսոյն, զի զիրն տաճկերէն զրած է» (Հ. Ամ. 1934, թիւ 11, 12, էջ 562-563):

4. Քանդակեալ շուկերու մասին հայ վանականի մը գրոյցը. — Ս. Գերեզմանի Տաճարի դրան ճակատին կողմը հիւսիսային արեւելեան բակին անկիւնը կը գտնուի զարդարանք մը՝ որուն համար նոյն տեղը յաճախող վանականներու միջև զրոյց մը տարածուած է: Այդ մասին հայ վանականի մը հետեւեալ զրոյցը հեղինակութիւն մը նկատուած է. նոյն անկիւնի զարդարանքին պատկերները զոյգ մը շուներ են: Երբ ասոնք ամբողջական էին՝ Երուսաղէմ գտնուած միւս քանդակուած շուներուն հետ հաչելու յատկութիւն ունէին. բայց — որ աւելի տարօրինակն էր — անոնք կը հաչէին միայն այն ժամանակ՝ երբ հրէայ մը կ'անցնէր նոյն տեղերէն:

Սակայն, երբ քաղաքը հեթանոսներու տիրապետութեան տակ ինկաւ, հրէաները պատեհ առիթը զըտան քանդակները կտրելու, եւ այս կերպով նուիրական սրբավայրին հաւատարիմ պահպանները ար-